

文水縣志卷二

地利志

地之利有三名山大川有險有夷利戰守平原廣陌土厚氣溫利居聚近水肥衍不旱不澇利耕種文西北倚山乃交永各境羣峰之委玉屏橫列形勢最雄壯東有汾沙文峪三河然直而不遶且左右無據依城池之外其險不足恃矣獨其境平地多於山谷風候和煖衆水經注誠使引流開洫得其道固太屬一樂土也觀地利其母虛此利哉志地利

建置沿革

文水縣志

卷之二

地利

一

文水古冀并之域春秋爲晉國祁氏之田魯昭公二十八年晉滅祁爲平陵大夫邑戰國周安王二十六年魏趙韓共廢晉靖公爲家人而分其地屬趙名大陵秦始皇十九年滅趙併六國郡縣天下爲大陵縣屬太原郡漢因之新莽篡漢改大甯縣東漢復爲大陵仍屬太原郡晉屬太原國後魏省大陵置受陽縣屬太原郡隋開皇十年始更爲文水縣如魏屬唐武德三年隸汾州六年屬并州七年又隸汾州貞觀元年復舊天授元年改縣曰武興神龍元年復故名洎宋縣名仍舊元符間避水患遷城於章多里之南卽今

縣治也金元仍舊屬太原路明因之屬太原府編戶七十九都我

朝定鼎亦因之康熙七年併戶七十都

疆域

文水縣治在府西南一百六十里東至祁縣界五十里南至汾州界三十里西至永甯州界八十里北至交城縣界三十里東南至平遙縣界五十里西南至汾陽縣界三十里西北至交城縣界二十里東北至清源鄉界五十里廣一百三十里袤六十里幅幘三百八十里東北至

文水縣志

卷之一

地利

二

京師一千三百里卜山西峙汾水東流古稱壯邑

山川

龍王山在縣西五里上有龍王廟右有石泉曰白水泉甘冷異常亢旱禱之輒應廟之東邑令劉乃桂建廳三楹題額曰白泉煙雨有聯句云望雲不引羣黎領喜雨惟銘長吏亭四月八日邑人讌遊之地

白虎山在縣西南二十里

柏茆山在縣北十三里山巔有三皇后土并十代名醫子孫聖母等廟正月十六日士女競往祈禱以禳除不祥萬厯間邑令文養浩增建孫真人廟仲春二日

商賈四集貿遷有無游人競集其山葱鬱寵從古柏
森列

陶山在縣西二十里綿亘蜿蜒百巖競秀或云唐帝曾
憩息於此因以名山

雙峰山去陶山不遠卽陶山之分脈也自麓至巔卓立
萬仞雲霞飛繞花木陰濃俗稱大陵山卽此

卜山在縣西南二十五里石壁峭立子夏設教西河遊
憩於此故名卜山又名子夏山建廟山陽春秋官祭
山麓有水而不恒流又名隱泉山舊名商山避先賢
諱易之

文水縣志

卷之一

地利

三

按通志名隱泉山謂卽水經注之謁泉山水經注曰
俗云暘雨愆期是謁是禱故山得名其山石崖絕險
壁立天劓崖半有一石室去地可五十餘丈爰有層
松飾巖列柏綺望惟西側一處得歷級陞頂上平地
一十許頃沙門釋僧光表建二刹泉發於兩寺之間
瀝石沁注山下津梁隱沒而不恒流故得隱泉之名
嘗遊卜山躬陟其巔四望無丸丸者不過畝餘石田
無平地十餘頃可建兩寺也卽求所謂石室隱泉諸
蹟與古亦無一符合攷張守節史記正義引括地志

竭泉山一名隱泉山在汾州堰城縣之北

堰城當爲
隰城之訛

晉改茲氏縣爲隰城唐上元
元年改西河縣卽今汾陽 上有石室頂上平地十

頃許李吉甫元和郡縣志謁泉山在西河縣北四十
里上有石室頂上平地可十餘頃是謁泉謁泉隱泉
一山而三名而山之在汾陽諸書無異辭通志疑誤

獅子山在縣西南十五里以狀類故名

見通志

熊耳山在縣西北三十里以狀類故名一名崇山松柏

蒙翳山谷

光統頭山在縣西南三十里嶺峰高峻日出時其光先
照故名或云光武統兵於此故一峰有前鋒臺之名
上有白雲頂寺真武廟文昌祠季春三日遠近進香

文水縣志

卷之二 地利

四

者四集號曰西頂幽深盤曲松柏叢翠亦勝境也

石峽山在縣西二十五里山谷幽邃初入甚狹漸進稍
濶進漸狹夾坡古柏不可勝數邈迤而入石壁如削
有洞焉曰石峽洞舊藏陶淵明白蓮社文金剛科儀
等書今不盡存崖之兩壁杏桃葱蔚一望無際踰嶺
西南十餘里有黃龍洞人迹罕到禱雨輒應

隱唐洞在隱泉山隈去地百餘丈躡石棧而上最險峻
其洞深四丈許高三丈餘洞內一窟方廣丈餘俗傳
通陝西路未有深入者又曰子夏室

文峪河卽文水也在縣北二十里一出永甯州孝文山

一出交城縣西山半崖龍口一出本縣土安都泊泊

河三水合流由本縣北峪口村出山故名水經文水

出大陵縣西山文谷東到其縣屈南到平陶縣

即今平陶

都東北東入於汾酈道元注文水逕大陵縣故城西

而南流有泌水注之又南逕平陶縣之故城東西逕

其城內南流出郭又南右會隱泉水又南逕茲氏縣

今汾陽故城東爲文湖又東逕中陽縣

今孝義

故城東又

東南流與勝水合又東南入於汾今從北峪口向東

經流開柵鎮南至宋家莊西轉南逕樊家莊武午村

宜兒村之西營兒村桑村之東又南逕堡子村之西

文水縣志

卷之一

地利

五

師平村韓村之東又南逕東西宜亭村中間至北張家莊東上河頭村西折向西南逕南張家莊蘇家堡之東鄭家莊之西入汾陽縣東北境又南歷孝義縣北境又南入於汾

按通志文峪河外別有文水其注云源出永甯州方山界流入交城歷榆城至縣南入於汾攷水經文水出大陵縣西山文谷龍堂記云西谷之水其水多文因以爲名焉蓋文谷乃交永各境諸山之委上歷榆城百餘里叢峰交錯眾水奔注其流湍激至文谷匯流成河地勢漸平水亦稍文故名峪谷義同土人讀

谷爲峪故又以文峪名河是文水之名卽得之文谷
非別有一水也且榆城以下羣山旁東凡經流之水
舍文谷口別無道以達縣境通志分而二之疑誤

汾河在縣東五十里通志源出靜樂縣北管岑山天池
一出林溪山龍眼泉至支鍋石村合流至甯化所五
里禹之孫昌甯公所定名定河今管岑山在甯武縣
西六十里南流由靜樂西婁煩交城北故交陽曲西
河口迤東曲折三百餘里至省城北蘭村出山迤西
轉南經太原東徐溝西至孔村南入縣東北境西南
逕冀家堡韓武村之西又東南逕西社鎮之東苗家

文水縣志

卷之一

地利

六

堡之西又西南逕高車村之東又東南逕貫家堡邢
家堡雲周村之西保賢村之東又西南逕胡家堡王
家堡之西水寨村之東又西南逕北齊村南齊村徐
家莊之東又南接平遙西孝義東迤西由介休靈石
之北霍州汾西之東趙城洪洞臨汾之西襄陵太平
之東曲沃西北絳州稷山河津之南而西入於河
按汾水舊從本縣北安都屈西歷河南都入汾陽境
明萬曆三十九年東徙從本縣韓武西都入境向東
南歷齊南都入平遙境水之西岸由本縣永樂村入

汾陽境

國朝順治十一年秋西徙二十里由本縣鄭家莊東石家莊西南入平遙仁莊境今有舊河漕二道乾隆十九年汾文交溢入本縣鄭家莊淹沒民居甚衆二十三年又東徙文水西徙每逢雨潦屢漲溢爲患四十七年前

撫蔣公守汾州會同汾文兩邑北至本縣孝義鎮南至汾邑鄧漕頭公築一帶長隄以防河溢六十年知縣祝德全補築碑記載藝文後隄毀道光十五年汾水從本縣南安村溢與文水合橫入汾境數十里盡成澤國二十一年再溢二十三年七月晦陡從本縣

文水縣志

卷之二

地利

七

麻堡村徙而東四野漫流淹沒民田不下數千頃知縣劉祖煥補築長隄以遏之光緒五年文水從宜亭村南決口流入張家莊蘇家堡爲百金堡隄所阻淹沒甚衆久之隄決至汾陽董家莊合流自來縣境之河平行無漕最難施治近年汾害較遠獨文峪一河遷徙靡常又有磁窯瓦窯白石等河向之入汾者今皆流入縣境籍文洩水每遇盛漲爲害滋深補救之策當事者所宜急籌也

白石河在縣東三十里源出清源鄉白石山下一出清源鄉不老池二水合流至本縣武安都西南入於汾

今流至交城鄭村屈西由本縣東西北安村大小辛村之北西入磁窰河

磁窰河在縣東十八里源出交城磁窰溝一出交城瓦窰溝經流本縣石侯鎮南二水合流南逕杭城村西城村之東東城村之西又南逕東莊村西莊村之東又南逕明陽村中間又南屈西逕上河頭村中間西入文峪河舊從上河頭村東向西南流入汾界現有舊河漕形蹟

沙河在縣東南四十里源出祁縣南豐流至本縣雲周村入於汾今涸

文水縣志

卷之二

地利

八

迴馬河在縣東五十里源出榆次縣流入本縣東北高車村南入於汾今無

澗河出本縣西山有四一自縣西北溝口村東南流至營兒村入文峪河一自縣西北杏樓坡東流至桑村入文峪河一自縣西北章多溝流遶北城濠東南至韓村入文峪河一自縣西南南峪口東至橋頭村入

文峪河

泌水在縣北八里龍泉村北由東南注文峪河其水平地湧出灌溉稻田十數頃寰宇記謂之神福泉旱禱有應今涸

猷水在縣北二十里武陵村西平地湧出灌溉稻田今
涸

甘泉在縣西南二十里詳勝景古剎甘泉註

武潞泊在縣南二十里唐天授二年改名朱雀泊今涸
伯魚泊在縣東南三十里今涸

馬跑泉在隱唐洞東畔汾陽志原公水亦呼馬跑泉

清泉在縣南五里樂村源出汾陽縣謁泉山南廟碑云
文水迤南五里鄉名樂村乃隱泉之所經水至是而
澄清可濯故渠名清泉

映奎湖在城內東南角城牆下上有奎星閣故名通街

文水縣志

卷之二

地利

九

渠二廣各一丈闔城之水悉注於此

津梁

通濟隍橋在拱辰門外光緒九年知縣楊恩溥石構
樂成橋在環岫門外

朝陽橋在朝陽門外知縣樊從簡石構

連城橋在迎薰門外康熙十一年知縣傅星石構
以上四橋俱磚石

商峽橋在馬西都里人鄜州同知劉芳建有碑記

廣濟橋在縣北文谷上 南仁橋在南仁都

大象橋在大象都 徐村橋在縣北文峪河

潤濟橋在崇武都

通濟橋在南武都

永濟橋在南仁都

普濟橋在韓武西都

上依舊志隨河遷徙

文峪河橋

一在縣南二十五里鄭家莊

一在縣南二十二里蘇家莊

一在縣東南十五里南張家莊

一在縣東南八里宜亭村

一在縣東三里堡子村

一在縣東北三里桑村

文水縣志

卷之一

地利

十

一在縣東北八里營兒村

一在縣北二十里開柵鎮

一在縣東南十五里上河頭村

一在縣北二十里峪口村

汾河橋

一在縣東南四十五里徐家莊

一在縣東南四十里南齊村

一在縣東南四十五里水寨村

一在縣東南四十里王家堡

一在縣東四十二里南胡家堡

一在縣東四十五里貫家堡

一在縣東五十里高車村

一在縣東北五十里苗家堡

一在縣東北六十里西社鎮

以上汾文諸橋俱係土木歲一修撤

傅星曰王制歲十一月徒杠成十二月輿梁成周十一月今九月十二月今十月也南方水有常流橋少修撤北方水無常流其漲也滔天而涸也或可徒涉故各處津梁大抵撤於春而修於冬周都關中爲河北地晉亦河北也故王制所設今猶遵之文津梁有

文水縣志

卷之二

地利

十一

爲石者因地也不煩修且撤也爲土木者亦因地也
不得不修且撤也毋先時毋後時庶民不病涉哉

文峪河渠堰

渠案附

永賴渠天啟五年知縣米世發採衆議度地形於縣西北二十里開永賴渠一道起文谷口南崖下鑿石穿澗並西山引文峪水入城中紆折幾三十里隨廢

崇通渠在崇武都 洪橋渠在徐仁南仁二都

清龍渠在文武都 清水渠在昇泉北榆宜韓三都

廣濟渠在大城南東舊城西城村 一在東賢西平舊

城南城南武五都 以上今俱廢

甘泉渠在縣北二十餘里開柵鎮西文峪河北岸下有
二子渠灌開柵鎮並交邑廣興鎮地畝

常稔渠在縣北二十里北徐村西文峪河南岸灌南北

徐村宋樊二莊中社村五村地畝

乾隆十三年甘泉常稔二渠爭控 上憲斷定水程
甘泉渠每大建月分十七日小建月分十六日期內
交邑廣興鎮灌二日二夜常稔渠每月分十三日所
灌之地每畝均按九升七合納課
冬堰自宜兒村以下沿河村莊冬季築堰開渠灌地不
定幾堰亦無堰名

文水縣志

卷之一

地利

十二

乾隆四十四年汾陽縣民人王際飛等與縣東小城
南等村成光宗等爭控 上憲斷定上自文邑宜兒
村下至汾邑乾河村自小雪日起至清明日止計一
百三十五日汾文兩邑各分六十七天半所灌之地
每畝均按平地糧六升三合五勺納課
道光九年五月十七日內閣奉

上諭徐炘奏勘明文水縣文峪河情形一摺文峪河由山
西文水縣西北發源河流遷徙靡常兩岸居民皆思
預防水患修築隄堰往往滋生事端現據該撫查勘
情形勢難就地開挖並恐既開之後旋復淤塞現在

新走之河由武陵營兒西城東莊等村入磁窑河下
達汾河極爲通順自應順水之性無遏來源暢水之
流勿阻去路着照該撫所議責令該縣相度地勢或
切灘逼流或督率疏濬酌量辦理其各村所築護村
隄堰藉以防禦仍聽其便惟各須距河三二十丈不
得攔河堵築致阻去向仍令該管道隨時稽查以杜
紛爭而資捍衛欽此

汾河渠堰

永濟渠在南賢東南賢西二都 廣濟渠在東城都
永會渠在青安都 原開渠在原東都

文水縣志

卷之二

地利

十三

烏麻渠在原西都 以上今俱廢

廣濟渠在縣東北六十里韓武堡西灌韓武堡韓武村
西社鎮楊落堡閻家堡王家堡東郭家堡南白家莊
麻家堡西韓村韓弓村南莊鎮溫雲村營兒村南安
村橫溝等村地畝

廣會渠在縣東五十里貫家堡西灌貫家堡保賢村保
賢莊雲周西東堡杏賢汾曲大象北賢等村地畝
利軻堰在縣東五十里雲周村西灌雲周村原東村胡
家堡固邑村邢家堡併祁邑西韓建安等村地畝
天德根堰在縣東南五十里水塞村東灌水塞村王家

堡趙村伯魚村索家堡朱家堡下曲鎮下曲莊梁家堡田家堡永樂村石家莊等村地畝

公義堰在縣東南四十五里南齊村東灌南齊村杜村南北辛店忠義村並平邑仁莊等村地畝

以上沿河各村莊冬季築堰開渠灌地不定幾堰向由各堰經理人稟明 上憲飭委員會同各縣查明徐文平共有幾堰按堰多寡自小雪後三日起至清明後三日止照舊章均分水程

乾隆二十一年 上憲議於河身兩岸修築夾版隄堰因旋築旋衝遂惟於種麥之處各自築堰保護麥

文水縣志

卷之二

地利

十四

田歲十月起工二月竣工六月麥既收聽其衝漫二十六年知縣顧學海議稱縣境汾河自清源縣交界之榆林村起至田家堡永樂村平遙縣交界止縣亘六十餘里爲甯武靜樂陽曲壽陽榆次太原太谷徐溝清源交城祁縣永甯州衆水匯歸之處汾河而外尚有文峪瓦窰磁窰蒿泊五馬等河亦俱流入文邑籍汾洩水夏秋汾水泛漲其勢洶涌遷徙無定自古及今從無堤堰而田家堡以上河漕深闊水患尚少下游永樂村以下平遙汾陽一帶河漕甚淺其害爲甚沿河沙土不堅督民所築之隄又非官工可比本

浮鬆單薄不足以防異漲又稱汾河遷徙靡常

國初數十年來已不知幾經更易耆老目擊者猶能厯厯言之凡遇異漲奪流改道之時奔騰浩瀚頃刻另自成漕實非單薄隄堰所能防禦而汾河水隨沙壅附近悉繫帶沙之土其性鬆浮萬難挑濬且亦不堪築隄目下所有隄堰高寬不過數尺各處民力不齊原皆有名無實是無隄固難禁其泛溢有隄亦不能保其歸漕無隄而在上游四處散漫之害輕有隄而聚於下游一處衝決之害重似不若廢棄隄堰聽水漫散順流卽有淹沒爲害亦輕二十七年平遙縣知縣

文水縣志

卷之二

地利

十五

李在田亦請廢夾版隄堰

傅星曰民非五穀不生五穀非水不生晉之疆多山故瘠文稍平坦稱大邑然地高而少雨其需水利也則同井田之制自一溝一洫以至爲澮爲川大抵經緯如畫故旱不乾而水不滂文東有文峪沙汾三河而由文峪以迄西境五六十里無帶水焉此永賴一渠米公世發所以爲文邑計至深且遠也愚民旣不可與慮始復不可與樂成坐棄無窮之利而莫知復予思繼米公之志而終不能強衆欲之大同其有愧也夫其有待也夫

古蹟

平陶城在縣西南二十五里堯爲唐侯時都於此漢爲縣屬太原郡後魏改名平遙縣後以西寇內侵徙居京陵今平陶都是

大陵城在縣東北二十五里卽今武陵村大陵屯是史記趙肅侯遊大陵大戊午諫曰耕事方急一日不作百日不食肅侯下車謝其後武靈王亦遊之夢處女鼓瑟而歌卽此地漢爲縣晉時南單于居之後魏廢今爲屯田

文水古城在縣東十里今舊縣都卽其地也後魏建文

文水縣志

卷之一

地利

十六

水城隋唐因之宋元符間圯於水因徙治章多里

大干城在縣南十里舊經云漢劉元海所築令其兄延年居之時人謂兄爲阿干因名

見通志

柵城在縣北二十里經云魏武帝築以備寇當文峪口卽今開柵城是

雲周城在縣東四十里後魏築寄治并州今廢名雲周村

石峽藏書在縣西靛頭山中詳石峽山註

泌水名碑在縣北五里龍泉村碑係虞世南撰書濶可數尺屢奉文取之愈拙愈下竟不可出字亦多剝落

泌水久涸碑亦迷失不可彷彿踪迹矣

古寺唐碑見藝文一在甘泉寺一在土堂崇勝寺

石門名迹在縣西南石門山有虞永興磨崖大書石門

宕雪四字字徑數尺

蘭若寺鐘在縣南下祠都蘭若寺舊傳有大鐘明洪武時飛至金陵云

攀龍臺唐則天后父荊州都督武士護墳也則天時追封周高祖名墳爲攀龍臺勅李嶠撰記其文六千餘字甚佳見文苑英華

聖母廟槐在開柵鎮聖母廟乃軒轅后西陵氏土人以

文水縣志

卷之二

地利

十七

養蠶故祀之莫知其始內枯槐一株徑四圍世傳千有餘歲正德間枯至嘉靖再生初腹空如磬內盛石子再生後內外堅實若初植然

徐村龍槐在縣北十里南徐村官道西相傳千餘年物根出地上橫偃道旁蟠踞如龍

周家山牡丹在縣西北周家山一名燈山龍王廟內紫牡丹一株高與檐齊花時最盛

熊耳山牡丹在縣西熊耳山洪勝寺內有牡丹一株根出石窟高丈餘鮮豔異常舊傳開放時官民觀者無數寺僧嫌其擾灌以沸湯遂枯一日忽見紅衣婦人

入寺覓之無迹牡丹復生婦人蓋花神也邑人田疇
讀書於此開放尤盛人以爲祥今無矣

郝嶺長栝在徐南都前莊山嶺有栝樹一株相傳千餘
年高七丈許徑三十圍枝幹蟠結蔭蔽二畝餘遇風
則聲響如濤雖盛暑坐卧其下寒氣襲人每值重午
日或有外客密來祭奠樹旁有龍王狐突廟三楹邑
庠生郭珽郭鉉胡元勳募山民修葺且更新其像龍
王舊像內有木板一片上書大樹照平陽府洪河縣
李元亨家萬曆二年記珽鉉不解其故仍藏像內

勝景

文水縣志

卷之二

地利

十八

卜山疊翠在縣西南山峰壁立明媚若翠屏雨餘尤濯
濯可觀

石門浪雪在子夏廟西數里兩壁如削若雙闕然澗水
下注浪如噴雪崖半有虞世南書

懸崖瀑布在縣西南隱唐洞石壁拔立千餘仞夏秋之
際飛泉瀉落若匹練然

平陵晚照在縣東平舊都元符間遷城於章多里城已
廢每至雨霽遙望城堞隱隱如覩

谷口秋風在縣北二十里文峪口兩峰相距里餘秋風
落葉此處獨遲晚田不霜

隱泉春水卜山之陽有子夏廟焉山麓有泉而不恒流
至春時獨盛云

古刹甘泉在縣西南甘泉寺右祠內有池方廣丈餘澄

澈不涸其味甚甘故名上塑神龍映水如生寺旁有

書院東崖半為禪院極幽靜下有洞以通出入洞約

五十餘步中隔深溝廣丈餘僧設弔橋通之夜撤橋

盜賊無能踰

壽甯怪柏在縣北柏茆坡山隈文皆左紐亦奇觀也

廟宇

關帝廟

一在北街光緒元年邑人成臨衆柳公德等經
理重修一在南街一在北街路西小巷其在鄉

文水縣志

卷之一

地利

十九

多村尤

后土廟

一在縣朝陽門內一在
龍泉村大成南

真武廟

一在縣北關一在下曲
村各都邑有不能詳載

青龍廟

在章多村邑人王士升劉漢昌
劉漢相郭世郭維鼎等督建

三官廟

一在縣東街草場東縣丞
馮旭日建一在賢馬都

麻衣仙姑廟

在縣東北桑村
詳藝文錫雨記

二郎廟

在南仁都宋征行千戶閻萬困於邊外遇二郎
神騎白馬頃刻帶萬於本都後祠感神德屢修

廟施地舉人孫榮先進
士胡全才碑記甚詳

三皇廟

在土堂邑人李機張
天錫李配仁等督建

河神廟

在書院
後在院

城隍廟

在縣
北街

東嶽廟 街在縣南

西嶽廟 在縣西街

趙簡子廟 南在縣街

真武閣 在西街

二聖廟 南在縣關

唐堯廟 在都平

湯王廟 曲在村下

漢文帝廟 一在賢馬都

魏孝文廟 崖在縣北

子夏廟 神在小城南平陶

水母廟 南在徐都

村一在樂村

五龍王廟 一在東城都

黑龍王廟 家在梁

文谷神祠 峪在文都

三義廟 在明洪武年

九天宮廟 家在鄭莊

三靈侯廟 在冀村

河東公祠 在即先賢子夏在

忠惠利應侯 一在韓城

文水縣志

卷之一

地利

二十

義武都

龍王廟 在前莊山

五聖廟 陶在平都

龍王堂 在西

馬王廟 草在縣東街

后土廟 一在南安都

九江聖母廟 家在鄭莊

玉皇廟 在都石

狐神廟 東在石都

藥王廟 南在徐都

寺觀

古城寺 一在縣東舊城村明宣

崇勝寺 座在縣西土堂村有塔一

梵安寺 高在縣南上賢村有塔一座

長樂寺 正一四在縣東原西都元至

觀音寺 正一年在縣東雲周村元至

興化寺 有在鐵東莊村宏治三年建內

麻衣寺 南一趙在城內洪武坊一在縣

觀音閣 熙在九南街東舊名紅廟等改建朝康

文昌閣 糾在衆小西街竇國朝字崇禎年間邑人王毓文重修

白衣閣 人在閣應祥募東路北邑

觀音堂 字一在賈家十巷一在潘家巷十

明教寺 坊在唐貞觀內明建教 正念寺 明在城貴信坊

安禪寺 明在宣城忠孝坊 廣報寺 村在縣東南冀周

華嚴寺 都在明縣東南宜建韓 淨土寺 都在明縣西北建榆

文水縣志

卷之一 地利

蘭若寺 宣在德縣南十里明

崇武寺 明在永樂北武午村

陀佛寺 明在天縣順南祠都

鐵佛寺 正在縣南十二橋頭村明

洪淨寺 都在明縣洪武南仁

曲聖寺 正在縣南義武都

寶界寺 都在金縣大定南曲

衆聖寺 明在正縣西南青泉都

多寶寺 至在元縣東三十二里

淨心寺 都在明縣正西南馬西

保安寺 都在明縣東南青安

普雄寺 明在縣東三十里

瑞祥寺 明在縣東永忠都

雲頂寺 頭在光統

淨居寺 金在縣大定南陶都

緣慶寺 至在縣東武安都

能仁寺 明在天縣南武度都

妙音寺 都在縣東南仁智

釋迦寺 正在縣東豐吳建都

延慶寺 都在縣東武安都

興道寺

都在明縣東南齊建

無礙寺

都在明縣正北獨家修

北安寺

都在至縣正北建安

東巖寺

都在至縣正北土建安

壽甯寺

唐在縣授北元徐村

護國寺

明在正縣南十修里

洪福寺

在縣東三十里明建洪熙元年建一在城南十熙

己丑寺僧越塵設為十
方招提僧衆百餘今廢

瑞祥寺

在縣南岳村

賀天寺

在正縣東高車都元

少林寺

在縣東南村十

龍泉寺

都在唐縣開元北昇建泉

甘泉寺

明在正縣西南山隈

吉祥寺

在徐村南

滿覺寺

在東都開

梵天寺

在賢都東

慧明寺

在賢都東

慈雲寺

在文保賢都

明仙寺

在都齊

文水縣志

卷之一

地利

二十一

三教寺

在雲周村

思賢寺

在都思

常清寺

在趙村

明會寺

在魚村伯

吳天寺

在車村高

正廣寺

在都待

玉泉寺

在安都土

石棧寺

在安都土

慶喜寺

在東都石

無礙寺

在都韓

慈勝寺

在泉都昇

悟真寺

在弓都韓

崇壽寺

在戶都豐

保壽寺

在都韓武

廣濟寺

在城都東

金池寺

在武都崇

古刹寺

在武都崇

元真觀

在唐縣開元東北隅

紫雲觀

在昌明縣南十里建金

凝然觀

在元縣祐南武潞建村

白衣庵

在北街路西小巷

三聖庵

在北關路西

華嚴庵

在南關路西邑人成瑞募衆建

牛王廟

在貴信坊街東北隅

丘墓

義塚附

隋

韓孝子墓

名子誕九邑人在縣南十里

唐

荊州都督墓

武后父諱士護未詳所在

宋

邢先生墓

名鑑邑人在縣西百步許有碑

牛郎中墓

名拱辰邑人在縣西北八里有碑字多剝落

文水縣志

卷之一

地利

二十三

元

李進士墓

曰秀曰信曰遜曰讓曰禎曰光祖一門六進士俱邑人在縣東北五里昇泉都

梁丞相墓

名錦陽李端東人

梁僉事墓

名簡

梁尚書墓

名蘭

梁布政墓

名璣

梁知縣墓

名璇上四墓皆錦陽之子

梁御史墓

名政遠錦陽孫俱在李端鎮東

王尚書墓

名雲在雲村西

明

馮知縣墓

諱憲邑人在縣西龍王山麓

郭副憲墓

諱廷冕邑人在縣西北五里峯子茆

田京兆墓

諱疇邑人在縣北八里西山麓

嚴知州墓

諱三省邑人在縣西一里許

鄭虞衡墓

諱之僑邑人在縣西北二十五里文峪口南浦山

郭叅戎墓

諱畹在縣西北五里西山麓

李知縣墓

諱喬邑人在縣北二里

王大叅墓

諱在臺邑人在縣北十里西山麓

國朝

胡總督墓

諱全才邑人在縣北七里西山麓

文水縣志

卷之一

地利

二十四

成都督墓

諱元震邑人在城西南南峪原

成按察使墓

諱汝舟邑人在城西南南峪原

義塚

在縣北門外三里邑人成履恒捐地六畝餘創立

物產

傅星曰物產亦何常之有哉禹貢雍州之土爲上上今五穀多出東南揚州不言宜桑今絲綿盡出浙西山林洿池樹畜之利固無地不可以生且裕也文土地肥衍氣候不甚寒因性順宜凡可以養生送死者有則勸之少則利導之無則興之物產亦何常之有周禮冀其利松柏其畜宜牛羊其穀宜黍稷并其利布

帛宜蠶績其畜宜五擾其穀宜五種

穀屬

稻二軟硬種

黍軟硬二種宜釀酒

稷二大小種

粱色細粒而白

麥來

二種有宿春種

蕎麥

芝麻

麻子

豆黑黃豌豆扁豆小茶酒九種

黃稗

葦麻

包穀

俗呼玉桃黍

蔬屬

葱

韭

蒜

芥

芹

茄

瓠

波菱

莧

二種

萵苣

葫蘆

芫荽

蒼蓬

藤蒿

蘿蔔

水胡三白

種

蔓菁

茱萸

菜豆

甜苣

蘑菇

瓜屬

文水縣志

卷之二

地利

二十五

絲瓜

西瓜

冬瓜

甜瓜

南瓜

北瓜

王瓜

夏秋

種二

菜瓜

地王瓜

海南瓜

果屬

桃二夏秋種

李二黃赤種

杏

梨

棗

香柰

核桃

檜

無花果

櫻桃

葡萄

二紅白種

軟棗

木屬

椿二香臭種

榆

桑

柳

松

柏

槐二黑白種

楸楊青

種二

椒

栝

杆

樺

花屬

牡丹

芍藥

石竹

萱草

珍珠

山丹

捲丹

夜合 玫瑰 紅白二種 鷄冠 日照 蜀葵 月季 迎

春 玉簪 牽牛 菊 水紅

草屬

蓼 蒿 葦 莠 茶 茅 荻 蘆 莎 菅 浮萍 苜蓿 藿 香文 水稗 馬蘭 天茄 茜草

艾

藥屬

甘草 地黃 茴香 芫花 半夏 牽牛 商陸
大黃 皂角 黃芩 天麻 茵陳 地榆 藜蘆
山藥 遠志 菖蒲 麻黃 荆芥 紅花 薄荷

文水縣志

卷之二

地利

二十六

土芎 防風 貝母 鸞粟 益母草 車前子 兔
絲子 枸杞子 何首烏 槐角子 桑白皮 紫地
丁 夏枯草 旱蓮草 金銀花 地骨皮 酸棗仁
馬兜鈴

禽屬

鷗 鷹 鴈 鷺 鴨 鷄 鴿 鵲 鴉 烏 鳩
鶴 燕 雉 雀 梟 鷓 鴒 半痴 俗名半翅 檢徐天池

集名半痴 因其性也

鵝 落浦 黃鸝 杜宇 沙鷄 黃鷗 訓狐
蝙蝠 布谷 石鷄 水鴨 啄木 鶴

獸屬

虎 豹 牛 馬 騾 驢 豕 犬 羊 貓 狐

狸 兔 狼 獾 鹿 獐 麇 田鼠 山猪

鱗屬

鯉魚 赤魚 鮎魚 鼈 鯽魚

蟲屬

蠶 蜂 蠅 蟻 蛇 蚊 蝎 蟬 蛾 螢 蝶

伊威 蝸牛 蜘蛛 蝦蟆 蜻蜓 螻蛄 螟蛉

蟋蟀 游蜓 蟹螯 蝎虎 蜥蜴 螽斯 蝗螂

蚓

貨屬

文水縣志

卷之二

地利

二十七